



**Jus Canonicvm R.P. Pavli Laymanni, Soc: Jesu Theologi, Et  
Olim In Alma Et Episcopali Academia Dilingana SS.  
Canonum Ordinarii Professoris**

Juris Canonici A. R.P. Paulo Laymanno Societatis Jesu Theologo SS.  
Canonum In Alma, Catholica, Et Episcopali Universitate Dilingana  
Professore Qvondam Ordinario, Prælectionibus Academicis Illustrati

**Laymann, Paul**

**Dilingæ, 1673**

Capitvlvm VIII. Veritatis.

---

[urn:nbn:de:hbz:466:1-62587](#)

to ipsi vnius anni spatio ( eò quod non verbo quidem , sed facto prouocâsse censeatur ad Sedem Apostolicam iter arripiendo ) eidem Francisco administrationem Episcopatus in spiritualibus ac temporalibus interim committant, elapso autem anno eundem consecrare in Episcopum non differant.

## S V M M A R I V M .

1. *Assumptio Religiosi in Episcopum, non est propriè postulatio, sed electio.*
2. *Ex electione non canonica infirmatur etiam subsequens confirmatio.*
3. *Ob contumaciam Rei post trinam citationem non comparentis, potest procedi ad testium receptionem, & sententiam definitiuam, etiam hinc non contestata, si de valore electionis agatur.*
4. *Appellare quis potest, à sententia, vel gravamine, verbo, vel facto.*
5. *Maius spatium Prælato conceditur, cuins jam confirmati electio impugnatur, quam si nondum confirmati electio impugnaretur: hoc ordinariè sex mensum est; illud relinquitur Iudicis arbitrio definiendum.*
6. *Ordinariè audiendus non est, qui post peremptorium terminum opponere se vult electioni: quamvis Iudex ex officio contra electum talem, & confirmatum per viam inquisitionis procedere possit.*

**1** **N**OTA I. Religiosi in Episcopum assumptio, electio est, & non propriè postulatio. *c. Nullus. 28. de Elect. in 6.*

**2** Nota II. Si electio Prælati Canonica non fuit, etiam subsequens confirmatio, & possessionis traditio cassari debent. Ita etiam sumitur ex *c. 4. De causa possessionis.*

**3** Nota III. Si agatur de valore electionis, & consequenter confirmationis etiam lite non contestata ob contumaciam Rei post trinam citationem non comparentis, procedi potest ad testium receptionem & sententiam definitiuam. *c. vlt. §. Porro, ut hinc non contestata. Nihilominus Pontifex*

ex gratia per plenitudinem potestatis ( quia causa ardua erat, cum ageretur de remotione Episcopi confirmati, consecrati, & in possessione existentis ) jussit causam iterum examinari, citato Reo, & datâ ei facultate defensionis.

Nota IV. Duobus modis censetur aliquis appellare à sententia aut gravamine. Videlicet Verbo expresso, & facto, seu arripiendo iter ad Superiorem. *c. Memimus. 9. junct. gl. de Appellationibus.*

Nota V. Tametsi in casu contrahendi spiritualis matrimonij ( si videlicet alicuius nondum confirmati electio impugnetur ) contumax sex tantum mensibus ex spe etandus sit, jure ordinario. *cit. c. vlt. §. Porro.* Maius tamen spatium secundum causæ qualitatem judicis arbitrio tribuitur, si agatur contra Prælatum jam confirmatum, consecratum, oppugnando eius electionem. Ita sumitur ex *hoc c. & citato. §. Porro.* & tradit *gl. hic. verb. Anni. Panorm. n. 10.* Occasione huius cap. queritur; si ante confirmationem Prælati, edictum publicum affixum sit statuto peremptorio termino, intra quem venire debeat, qui se opponere voluerit, *juxta c. vlt. de Electione in 6.* Num audiendus sit, qui postea accesserit, electionem impugnare volens. *¶. Ex c. vlt. 6 qui Matrimonium accusare possunt. tales audiendum non esse, cum præsumpto malitia contra ipsum sit, nisi ostendat, se absensem fuisse, vel alias probabiliter ignorasse publicationem Edicti; vel crimen aliumve defectum electi nunc primitus cognouisse.* Ceterum judex ex officio per inquisitionem contra electum & confirmatum procedere non prohibetur: *vñ hic Panorm. notat in fine c.*

## C A P I T U L U M VIII.

## Veritatis.

## P A R A P H R A S I S.

Episcopus Curiensis praecedente publicâ infamia, delatus à Canonicis fuit ad Innocentium =

centum III. super dilapidatione bonorum Ecclesiae, homicidio, incestu, aliisque criminibus. Causam hanc Pontifex delegauit Episcopo Tridentino, Abbatii monastis Sanctæ Mariæ, & Præposito in Insula: deinde iterum Brixineni Episcopo, & dictis Abbatibus ac Præposito. A priorib' illis judicibus, Curiensis Episcopus vocatus, cum contumax esset in comparendo, ab ipsis suspensus est ab officio & beneficio, postea coram secundis judicibus canonice vocatus comparuit quidem, sed friuolâ allatâ excusatione, respondere contumaciter noluit; quare Papa suspensionem prius in ipsum latam confirmauit, postea iterum, adeoque tertiam vice causam delegauit Episcopo Cumano & abbatii cuidam, coram quibus tertio citatus Episcopus Curiensis, cum nec per se, nec per procuratorem compareret, excommunicationis sententiam in ipsum promulgârunt, testes contra ipsum juxta formam mandati Apostolici recipientes, per quos singuli articuli sufficierenter probati fuerunt; quare Innoc. III. considerans judicarium ordinem ritè seruatum fuisse, & Episcopum Curiensem, post latam in ipsum censuram, celebrare præsumpsisse, sententiam depositionis ab Episcopatu & officio Pontificali ac sacerdotali absque spe restitutioonis profert, in irritum reuocans alienationes, quæ à dicto Episcopo post suspensionem & excommunicationem factæ sunt.

## S V M M A R I V M .

1. In censuris ferendis pro ratione contumacia gradus seruandi.
2. Contra Prælatum criminosum, si per viam accusationis purè criminaliter agatur, ad sententiam condemnatoriam procedi non potest ante litis contestationem, quamvis propter contumacem illius absentiam, hec fieri non possit.
3. Potest tamen tam ad testimoniū receptionem, quam ad depositionē sententiam, contra

cum absentem, & contumacem procedi, ante litis contestationem, si Index ex officio suo per viam inquisitionis contra eum procedat, sine adst̄ denuntiator, & Procurator judicialis inquisitionis, sine non adst̄.

4. Poteſt Index illud etiam crimen punire, quod ex deduciſ in judicium coherentem legitime cognitum fuit.
5. Alienatio bonorum Ecclesie irrita est, si facta easit à Prælato ſuſpenſo ab officio, aut excommunicato non tolerato.

**N**ota I. In censuris ferendis gradatim procedendum est, vt prius secundum exigentiam Causæ inferatur interdictum ab Ecclesia aut ſuſpensiō, postea crescente contumaciâ Reus excommunicetur.

Nota II. Si aliquid adſit denuntiator seu promotor inquisitionis facienda de Prælato ad depositionem eius, Reus tamen citatus, contumaciter abſit, contra eum recepitis testibus, & probatis criminibus procedi potest, etiam lite non contestata. Ita ſumitur ex textu, & docet. *Io. Andr. n. 4. Imola. n. 5. & 9. Panorm. n. 18.* Pro intellectu aduerte, contra Prælatum criminosum tribus modis procedi posse; Primò, purè criminaliter & per modum accusationis, vt criminosus pœnâ condignâ criminibus puniatur, & hoc casu requiritur litis contestatio, ita vt eā non factâ propter contumaciam Rei absentis ad sententiam condemnatoriam procedi non possit, vt diximus in *vt lite non contestata. §. Porro, ad quæſt. ditto 3.* Secundò, ex mero puro judicis officio extatī clamorofa infinuatione populi seu publicâ infamia. Hoc caſu, quia nullus adſit, qui inquisitionem suo vel aliorum nomine petiuit aut impetravit, locum non habet oblatio libelli, & litis contestatio, consequenter sine ea, si citatus contumax fit, procedi potest ad testimoniū receptionem & condemnationē. Tertiò, Si adſit denuntiator & promotor judicialis inquisitionis ad depositionem seu amotionem Prælati ab administratione in spiritualibus & temporalibus, vt Ecclesiæ obesse definat, juxta c. *Qualiter. 24. verb. sed cum. De accusationibus.* hoc caſu libel-

b b

libel-

libellus offerendus, & lis contestanda est, si denunciatus veniat, vti colligitur ex *capit. Exhibita. 19. de iudic.* sin autem contumaciter se absenter, etiam lite non contestata, receptis testibus & habitis probationibus sufficientibus proceditur ad definitiūam, seu condemnatoriam sententiam; vti constat ex hoc *e. & cit. c. Qualiter.* Ratio est, quia cūm vertitur periculum animæ, aut publicum Ecclesiæ, tunc contra absentem contumacem proceditur lite non contestata. *cit. c. vlt. §. Porro.* atqui si præcedente infamia aliisue indicis Prælatus denuntiatur tanquam bonorum Ecclesiæ dilapidator aut in grauibus criminibus persistens, vertitur periculum animarum & publicum Ecclesiæ cui is præst; ergo lite non contestata contra ipsum contumacem procedi potest, saken ad eius amotionem seu destructionem; videatur *Panorm. hic. n. 23.*

**4** Quærēs, cur itaque Pontifex maiorem pœnam Episcopo, videlicet verbalis depositionis ab Ordine episcopal ac sacerdotali inflxit. *Resp.* Si in iudicio crimen legitimè cognitum sit, non omnino accidentaliter, sed cohærenter ad ea, quæ in iudicium adducta sunt, tum iudex illud punire potest, vti colligitur ex *c. 2. de Confessis.* & notat *Imola hic. n. 5. gl. in c. 1. verb. contingere. de Except.* sed in casu nostro ex deduc̄tis in iudicium cohærenter seu accessoriē cognitum fuit, quod Episcopus Curiensis post suspensionem & excommunicationem, quæ ob insuperabilem contumaciam & inobedientiam ipsi illata erat, etiam censuram violauerit celebrando, idoque irregularitatem contraxerit, consequenter Papa inobedientiam istam & contemptum legitimè puniuit per depositionem non tantum ab Episcopali jurisdictione, & administratione, sed etiam ab omni ordine Episcopali ac Sacerdotali.

**5** Nota III. Si Prælatus ab officio suspenſus, aut excommunicatus non toleratus, bona Ecclesiæ alienet, irrita est alienatio. Pro huius intellectu adverte ex *Innoc. hic. n. 1. Panorm. n. 33.* Quod excommunicatio virtualiter in se includit suspensionem ab-

officio, consequenter etiam à beneficio, juxta c. *Pastoralis. 53. de Appellat.* suspensus autem ab officio simpliciter & indistincte inhabilis redditur ad omne munus seu exercitium publicæ potestatis, vti ex communī docet Suarez de Censuris *disp. 26. n. 4. contra gl. in c. Audiuimus. 4. Causa 24. q. 1.* administratio autem Prælati, non tantum in spiritualibus, sed etiam in temporalibus, consequenter & alienatio honorum Ecclesiæ, actus est publicæ Ecclesiasticæ potestatis, ergo ea non est concessa Prælato suspenso aut excommunicato non tolerato, vti h̄c etiam docet *Ivan. Andr. n. 2.* quā ratione *Panorm. loc. cit.* ait: quod non valeat autoritas in alienatione rerum minoris interposita per tutorem excommunicatum, cūm etiam tutelæ exercitium, publicus actus sit, nec valeat arbitrium seu laudum per formam judicii pronuntiatum à compromissario excommunicato, cūm arbitria h̄c ad formam judiciorum redacta sint. *I. 1. ff. de Arbitris.* sed secus est dicendum de arbitratore in contradicibus & amicabili compositione, cūm h̄c officia publica non censeantur quandoquidem etiam in mulierem cadere possint.

## CAPITVLVM IX.

## Contingit.

## PARAPHRASIS.

Si actori propter contumaciam Rei per primū decretū, adiudicata sit possessio bonorum custodiæ causa, accidit nonnunquam vt ob potentiam vel dolum aduersariit, bona intra annum consequi non possit, vel acquisita amittat, & ita (cūm ex multorum sententia actor anno elapsō non fiat verus bonorum possessor) Reus ex malitia sua commodum reportat, quare ne contumax melioris conditionis sit quam obediens, secundum Canonicam benignitatem decet nit Innocentius III. vt in dicto casu actor post annum verus efficiatur possessor.

SUM.